

六祖法寶壇經



曹溪原本

六祖法寶壇經



蘇通起



蘇澤立敬書



開經偈

無上甚深微妙法  
百千萬劫難遭遇  
我今見聞得受持  
願解如來真實義

悟法傳衣第一  
時大師至寶林。韶州韋  
刺史名瓊。與官僚入山。  
請師於大梵寺講堂為  
衆開緣說摩訶般若波  
羅蜜法。師升座次。刺史

官僚三十餘人。儒宗學士三十餘人。僧尼道俗一千餘人。同時作禮。願聞法要。

大師告曰。善知識。總淨心念。摩訶般若波羅蜜。



大師良久復告衆曰。善  
知識。菩提自性。本來清  
淨。但用此心。直了成佛。  
善知識。且聽惠能行由  
得法事意。能嚴父本質  
范陽。左降流於嶺南作

新州百姓。此身不幸。父  
又早亡。老母孤遺。移來  
南海。艱辛貧乏。於市賣  
柴。時有一客買柴。使令  
送至客店。客收去。能得  
錢。却出門外。見一客誦

經。能一聞經云「應無所  
住。而生其心」。心即開悟。  
遂問客誦何經。客曰《金  
剛經》。復問從何所來持  
此經典。客云。我從蕪州  
黃梅縣東禪寺來。其寺



是五祖忍大師在彼主  
化。門人一千有餘。我到  
彼中禮拜。聽受此經。大  
師常勸僧俗但持《金剛  
經》即自見性。直了成佛。  
能聞說。宿昔有緣。乃蒙

一客取銀十兩與能。令  
充老母衣糧。教便往黃  
梅禮拜五祖。能安置母  
畢。即便辭親。不經三十  
餘日。便至黃梅禮拜五  
祖。

尚能曰。汝何方人。欲求  
何物。能對曰。弟子是嶺  
南新州百姓。遠來禮師。  
惟求作佛。不求餘物。祖  
言。汝是嶺南人。又是獍  
獠。若為堪作佛。能曰。人

雖有南北。佛性本無南  
北。猶繚身與和尚不同。  
佛性有何差別。祖更欲  
與語。且見徒衆總在左  
右。乃令隨衆作務。予曰。  
惠能啟和尚。弟子自心

常生智慧。不離自性。即是福田。未審和尚教作何務。祖云。這猶撩根性大利。汝更勿言。著槽廠去。能退至後院。有一行者。差能破柴踏碓。經八



月餘。

祖一日見能曰。吾思汝  
之見可用。恐有惡人害  
汝。遂不與汝言。知之否。  
能曰。弟子亦知師意。不  
敢行至堂前。令人不覺。

祖一日喚諸門人總來。  
吾向汝說。世人生死事  
大。汝等終日只求福田。  
不求出離生死苦海。自  
性若迷。福何可救。汝等  
各去。自看智慧。取自本

心般若之性。各作一偈。  
來呈吾看。若悟大意。付  
汝衣法。為第六代祖。火  
急速去。不得遲滯。思量  
即不中用。見性之人。言  
下須見。若如此者。輪刀

上陣亦得見之。衆得處  
分。退而遶相謂曰。我等  
衆人不須澄心用意作  
偈將呈和尚。有何所益。  
神秀上座現為教授師。  
必是他得。我輩謾作偈。